

幽

風

廣

義

幽風廣義卷之二

茂陵楊

岫雙山氏編輯

男生洲子瀛氏參覽

門人

巨兆文鳴波氏

史德溥子厚氏

全較

蠶說原委

粵自伏羲氏採嶧山之繭。抽絲爲絃。以定音律。而天下化。黃帝元妃西陵氏始爲室養蠶。煮繭繹絲。制衣冕。綉九章。定儀度。別尊卑。垂衣裳而天下治。蠶之功於世。古來久矣。今日北人雖知重農。而不知養蠶。

其亦未明其說乎。蠶屬氣化。純陽無陰。喜燥惡溼。食而不飲。自卵出爲蟻。蟻而炒。炒而蛻爲蠶。蠶而黃。黃而蛹。蛹而蛾。蛾而卵。卵而復蟻。亦有胎生者。與母同老。北蠶三眠三起。南蠶四眠四起。總之二十七日而老。奈何北人視爲迂遠而不肯爲乎。彼百工商賈。建終歲之勤動。以求利益。而所獲之多寡。尙未可知。養蠶者。不過費三十日之辛勤。而卽獲一歲之利益。精絲造綾緞。上可完賦稅。粗絲織絹帛。下亦能衣被一家。綿可使高堂溫體。絮可令妻子禦寒。蠶之有。功於

人如此。何憚而不爲哉。或曰。君子宜養仁心。煮爾釋絲。傷殘物命。恐非仁者所宜爲。嗚呼。此豈明上帝生物之意乎。天地乃吾人之大父母也。父母之治家。百物而爲之備。皆有職分焉。凡生殖萬物。皆是爲人而設。三才無人。天地亦爲虛設。造化亦爲虛施。萬物亦爲虛備。天之愛人。無異慈父愛子。雖曰無心而成化。實則有心而周備。旣造飲食之物以養身。復造衣服之物以蔽體。五彩以彰身。花卉以養目。木石以作宮室。銅鐵以爲器用。高田生麥。低田生稻。陸生草菜。水

生蟲魚。如此之類。不可盡述。至大至細。皆有切於人

用。豈非慈父有心而爲之者哉。人能順承天命。天之

者率循。用得其當。以穀充饑。以衣被體之類。率循有道。牛耕田。馬

不違。夜蜂取蜜。蠶取絲。皆順其命而用之。不可有違。萬物皆爲我用。事事皆以養

仁。是爲上帝之肖子。人若違棄天命。用物不用。失其能順天。用失其

道。牛馬騶騾本爲耕田服乘而設。而反宰殺以食其肉。粟本養體而反飼馬肉。本養老而反餵犬。錦繡

紗羅本足彰身體服之用。而乃以錦作襦。以紗糊窓

彩作鳥籠。綴包泄便之器。如此之類。皆是用失其道。

暴殄天物。拋棄五穀。非禮宰殺。以有用之材木作薪。無故剪裁之類。享用過分。皆

謂之違仁。卽爲違上帝之命。以故帝不眷佑。降之以

殃。非當用者而用之。斯有罪戾也。如云萬物之生。非以爲人。何以五穀春生夏長。時至黃萎。自然枯竭。豈非草木順天命而盡職分乎。牛耕田。馬服遠。鷄司晨。犬守夜。猫捕鼠。蜂釀蜜。受其馴習。能爲我用。豈非鳥獸昆蟲。順天命而盡職分乎。人爲上帝之子。萬物之尊。苟無衣服蔽體。何以禦寒。何以別儀制而明等威。是知蠶之吐絲。衣人以補造化之不及。在蠶亦不知其所以然而然者。此正蠶之順天命而盡職分也。若果有害於仁。羲黃諸聖。早已不爲。況后稷以農桑開

國。後世大昌。孟子陳王道。必以蠶桑爲首務。古聖先賢。豈皆以不仁教後世哉。世人誠能勤農之外。家家養蠶。自然衣食足而仁讓興。唐虞三代之風。日在民間。是養蠶不惟厚民生。而兼有以善民風也。余不揣固陋。嘗搜羅古法。輯訪當世。因得其說。以告同志。

淮南王蠶經說

淮南子曰。黃帝元妃西陵氏。始蠶。蓋黃帝制作衣裳。因此始也。其後禹平水土。禹貢所謂桑土旣蠶。其利漸廣。禮月令曰。季春之日。具曲植。遂筐。后妃齋戒。親

東鄉躬桑。禁婦女毋觀。去容省婦使以勸蠶事。婦使

縫綫組串之事蠶事既登。分繭稱絲。效功以供郊廟之服。無

有敢惰。及考之歷代皇后。與諸侯夫人。親蠶之事。昭然可見。况庶人之婦。可不務乎。

王氏先蠶壇序

王氏曰。先蠶猶先飯。祀其始造者。壇築土為祭所也。

黃帝元妃西陵氏。始蠶。即先蠶也。按黃帝元妃西陵氏曰嫫祖。始勸蠶。

稼月大火而浴。種夫人副禕而躬桑。乃獻繭。稱絲織。

粧之功。因之廣織。以供郊廟之服。皇圖要覽云。伏羲

化南。西陵氏養蠶。淮南王蠶經。禮月令。季春。是月也。

云。西陵氏。勸蠶。稼親蠶。始此。

后妃齋戒享先蠶而躬桑。以勸蠶事。周禮天官內宰。仲春詔后。帥外內命婦始祭於北郊。漢禮儀志。皇后祀先蠶禮。以中牢。魏黃初中置壇於北郊。依周典也。晉置先蠶壇。高一丈。方二丈。四出陛。陛廣五尺。皇后至西郊。親祭躬桑。北齊先蠶壇。高五尺。方二丈。四陛。各五尺。外兆四十步。面開一門。皇后升壇。祭畢而桑。後周皇后。至先蠶壇親饗。隋制宮北三里。壇高四尺。皇后以太牢制幣而祭。唐置壇在長安宮北苑中。高四尺。周圍二十步。皇后並有事於先蠶。其儀備開元。

禮宋用北齊之制。築壇如中祠禮。通禮義祭。后親享先蠶。貴妃亞獻。昭儀終獻。夫蠶祭有壇。稽之歷代。雖儀制少異。然皆遞相沿襲。餼羊不絕。知禮之不可獨廢。

王氏繭館序

王氏曰。繭館。皇后親蠶之所。古公桑蠶室也。周制天子諸侯必有公桑蠶室。近川而爲之。築宮。初有三尺。棘牆而外。閉之。后妃齋戒。享先蠶而躬桑。以勸蠶事。后妃親蠶。儀曰。皇后躬桑。始拊一條。執筐受桑。拊三

條。女尚書。覽曰。可止。執筐者以桑投蠶母。以桑適金室。前漢文帝紀。詔皇后親桑。以奉祀服。景帝詔。后親桑。爲天下先。元帝王皇后。爲太后。幸蘭館。率皇后及列夫人桑。明帝時。皇后諸侯夫人蠶。魏文帝黃初中。皇后蠶於北郊。遵周典也。晉武帝太康中。立蠶官。皇后親桑。依漢魏故事。宋孝武立蠶觀。后親桑。循晉禮也。北齊置蠶官。皇后躬桑於所。後周制。皇后至蠶所桑。隋制。皇后親桑於位。唐太宗貞觀元年。皇后親蠶。顯慶元年。皇后武氏。先天二年。皇后王氏。乾元二年。

皇后張氏並見親桑禮。玄宗開元中。命宮中飼蠶。親
自臨視。宋開寶通禮郊祀錄。並有后親蠶祝辭。此歷
代皇后親蠶之事。採之史編。昭然可見。茲特冠於篇
首。庶有按圖考譜。知繭館之不徒虛名也。賦曰。惟蠶
有功。於世歸美。廣物產之貨。資作人生之衣被。仲春
之月。天子詔后以躬桑。大昕之朝。內宰告期而命祀。
於是詣靈壇。降寶殿。翠障夾乎道周。鳳輦翔於畿甸。
順春氣於東方。朝先蠶於北面。具夫青縹之服。皇后
蠶服青上縹。作以芳馨之薦。九宮傾動。藹然際以成階。班
下深衣。

三獻禮成。沛然迎祥於同。譽當其疊成寵命。適對韶
光。擇世婦於吉卜。受鞠衣於明堂。所以崇開禁館。始
入公桑。援條有三。聽女尚書之勸止。執筐不再。受宮
大人之是將。體之以坤儀之柔順。視之以母道之慈
良。破蟻以來。庶養至於半箱。獻繭之後。諒化被於多
方。是以命縹治之成絲。就趨工而俟織。立黃朱綠。染
各精明。黼黻文章。參同品色。

什物宜預說

欲事蠶者。須於秋冬農隙之時。預置蠶具。什物。自不

至臨時忙迫失措。凡蠶食。簇料。火料。蓐草。火具。蘘薦。曲。筐。盤。槌。蠶架。砧。刀。擡。網。葉。篩。椽。杓。蠶室。必先精製習熟。而後可望其獲利。今條列名件。一一備述。使世之繪續其身者。皆知其所自出云。

預收蠶食

務本新書曰。深秋桑葉未黃。如有春蠶食不盡的葉。夏採者更好。若二番生者。不可夏採。須待秋採。多廣收拾。曝乾搗碎。於無烟處收頓。至臘月內。搗磨成麪。淨磁瓮收貯。俟過年。春蠶大眠後用之。

臘月內製者能消蠶熱

又十二月初八日。將菜豆用新汲水浸半日。每箔約用豆半升薄攤晒乾。又淨淘白米。每箔約用半升酌量次半如養蠶十箔常備五升。控水晒乾。與菜豆俱陰處收頓。以備大眠起。拌菜飼蠶。

預收簇料

士農必用曰。預收黃蒿。豆稽。桑稍。穀草。黃野草。蓬蒿。稻草。其餘稍勁不臭氣者亦可用。余嘗試之。以上諸簇皆不甚善。惟有地膚子作簇甚妙。一名千頭子俗名獨蒨掃竹蓋其玲瓏。內空生涼。無鬱泥之患。死蠶旋墜。無污繭。

之憂。沙汁不佳。無癰痕之疵。乃天生簇蠶之物。夏月田間多種。或家庭多藝。多收。次年簇蠶。大勝諸物。

預收火料

蠶室用火。以牛糞為上。炭火次之。

牛喜食桑葉。並蠶沙。並食蠶。蠶亦喜。

牛糞氣大約。宜冬月。預收牛糞。堆聚一處。

恐歸時。缺少。芥難收。

拾。

春暖踏成塹子。晒乾收起。待臨近穀雨。生火蠶室。

暖而宜蠶。又當備牛糞乾末。以待用。冬月收拾牛

糞。晒乾收藏成堆。至春月聽用。如牛糞太溼。難以成

塹者。亦用此乾糞末。攪攪少許。

預收蓐草



蠶初生時。筐底鋪細軟柔草。草上鋪細軟綿紙。紙上置蠶。取其溫軟之義也。臘月刈柔爲上。稻草次之。麥草爲下。臨時搗極軟綿爲妙。

預置火具

農書曰。蠶火類也。宜用火養之。但蠶最畏烟薰。若近蠶處。旋燒柴薪。烟氣薰籠。蠶組熱毒。多成黑薦。今制爲擡爐。先自外燒過薪糞。待烟盡。昇入室內各龕。是室內預先造成。放糞火。等倉子火之大小。當隨寒熱添。室大者四倉室小者一倉

減。務要溫和。若忽寒。忽熱。是爲不均。後必眠起不齊。
擡爐之制。一如矮床。如火盆架子樣內嵌燒爐。兩旁出柄。二
人擡以出入。無爐者。或以舊破鍋。銅鐵盆。亦兩旁出
柄。亦可擡以出入。送火亦妙。蠶成於一室之功。全賴
此火出入。加減涼暖。用得其法。自然絲繭倍收。不論
風雨晴明。寒熱晝夜。總要室中加減一樣溫和。倘火
候失調。則絲便減少。可不慎與。


式爐撈



預織菜薦


菜薦者。蠶初生之時。天氣尙寒。用薦掛門窗。遮蔽風寒。蒲草稻草爲上。麥稈子穀草次之。織法每稻草十餘根爲一束。如編葦箔法。

菜薦式



預織箔曲


曲箔承蠶具也。禮具曲植。曲卽箔也。顏師古註云。葦箔爲曲。北方養蠶者。多於宅院後。或園圃間。多種葦。以爲箔材。秋後芟取。或山中松花細竹子皆可自織。或冬月或正二月皆可織。其制闊五尺。長一丈。以二椽棧之。懸於槌上。至蠶分攤去蓐時。取其易於卷舒。以廣蠶事。



頂編蠶筐

筐者古盛幣帛竹器也。今用育蠶其名亦同。蓋形制相類。圓而稍長。淺而有緣。適可居蠶。闊三尺。長五尺。南筐皆縱八尺。闊六尺。以竹編之。余家每用錫榔木作方筐。闊三尺。長五尺。亦輕便。但木性軟弱。經溼葉久。蓋則底_換列_音硤_音不平。不若用木作框架。以葦席作底。周圍用竹篾子。壓住葦席四邊。錠在框架上。席底用順木梳三道錠住。自然挺硬堅久。亦且輕便。蟻蠶及劈分時。用之。擱於架上。易於擡飼。


式筐篋



預編蠶盤

蠶盤盛蠶器也。移蠶上簇皆可用之。或以竹編。或用木框以疎簾爲底。長七尺。廣五尺。出入擡蠶便用。

蠶盤式




預造蠶槌

禮季春之月。具曲植。植卽槌也。務本新書曰。穀雨日。豎槌。立六圓莖。各過梁柱之高。其槌隨屋。每間豎之。其立六分旁。刻如鋸齒而深。每莖各刻齒十一層。每層相去一尺。每莖上掛桑皮繩環一個。環內橫貫長椽。稍縱鋸齒之下。椽上平鋪葦箔。凡槌十懸。中空九寸。以居蠶。蠶之蠶。移之上下皆可。農桑直說。每槌上中下間三箔。上承塵埃。下隔溼潤。中備分擡。及至蠶老。九箔皆滿。獨留一箔。以備擡蠶。擡畢。二人餵之。餵

畢。二人將椽箔掌起。轉移頂頭齒環內。下箔層自高
明。仍復餵之。餵畢仍掌起。移上二層。如此層層擡餵。
上移。及至就地。仍留空箔在下。不可移動。俟其再餵
之時。又層層下移。復空上箔。如此周而復始。餵之甚
便。


蠶槌式




預造蠶架

蠶架。擱蠶盤筐具也。以細枋四莖。豎之高可八九尺。上下以竹。或以木棍作梳十層。每層皆擱養蠶盤筐。隨其大小。蓋筐用小架。筐用大架。

小蠶架式



余製此竈
架每柱裏
邊各錠長
鐵釘十層
每層橫擔
細木棍二
根竹竿更
好以攔竈
祭飼時二
人擡之上
下那移最
便



頂編蠶網

蠶網者。擡蠶除沙之網也。為蠶事要具。養蠶諸事皆

易。惟除沙揀蠶甚是勞苦。往往婦女以手取蠶頭除

聚一處熟蒸汗出後結薄繭所以養蠶不多。惟嘉興湖州用網擡

蠶。故歲有收絲數百斤者。其餘諸省皆不知也。其法

以二網輪流擡換。於沙換已厚當除時待蠶食葉已盡將網蓋於蠶上以桑葉撒在網

上蠶聞葉香自穿網而上二人執網兩頭連蠶擡起

一人掃除下面蠶沙殘葉。即將網連蠶輕輕放下。不

可移動。迨飼一晝夜。沙換厚時。又將網一扇蓋蠶上。

撒葉如前。待蠶上網。仍擡起一人方撒下面。網並擡

去。沙仍將網連蠶輕輕放下。如前總之一網常在蠶


下。共用二網輪流替換。若只用一網。擡者蠶足據網

以手擗取不惟
賈功亦且傷蠶
捷便甚妙卽養數百箔亦無難矣。用網
上鞋細麻繩經在竹杖上縞如朝綱樣孔如棗子大
以熟漆漆過陰極乾則不腐壞周圍貫以細索則維
持多便農書有蠶性畏麻之說余累試之無妨故網
改用麻繩最好若未頭眠時劈分用匙頭眠後用麻
孝帽布孔如豌豆大者橫裁與筐等一筐當用數扇
熟漆漆過亦以兩扇輪流塗換二眠後用麻布孔如
小指大者爲之三眠後方可用網如蠶在箔網制長
五尺濶三尺五寸每箔當用網三扇塗放甚便若大
與箔等送難以漆網甚費漆如漆難得以及猪血和
扯搗不可不知○石灰塗之亦可耐久其法接猪血
一升以稻草便開羅子過之將塊子石灰爲末和入
半合少頃攪之漸稠陸續入水二三盞緩緩不住手
打到以成稀糊爲度塗網一二
次晒乾聽用魚網亦如此製

竹杖長尺餘濶四五分中心細如錐子拔之可上捺

之可下。翻轉以掛線繩。一經線數丈。右手執之。以圓頭出入網孔。畧無掛碍。如尙有疑。往問打魚網。打魚網。或編筆絡。人便知其詳。

蠶網式




附方
卷之二
蠶匙

此劈分黑蟻匙也。蠶初生三四日之間。沙厚。恐溼熱薰蒸生病。宜急分劈。用織下密網擡。則跌落驚傷。後多不旺。宜用竹片。或桑木。削爲方寸。杅樣。大小不等。各數張。欲分劈時。將葉厚篩蠶上。片時待蠶已上葉。用匙輕輕挑起。須薄帶沙。煨。分布於淨筐內。相去二三分許。置一匙。筐滿篩葉。飼之。一日夜。即可滿筐。待蠶大。方用網擡。此匙古法。未見。余家於蠶小時。亦嘗用網。其後見傷。制此蠶匙。輕便無損。遠勝網擡。

蠶 匙 式



葉篩



此飼蠶布葉篩也。蠶小時。用手撒葉。未免厚薄不均。壓傷小蟻。宜用竹編小篩。徑五六寸。孔如胡椒大。將葉以利刀切碎。置篩內。細細勻篩。不可過厚。須頻頻篩之。蠶食均勻。自然眠起皆齊。更有一法。余家每用小木羅圈一個。將孝帽麻布。孔如胡椒大者。蒙羅圈。

上。以熟糲子糊粘。周圍沿邊再以紙條蓋糊。令不脫
卸。以生漆將羅底塗過。蓋蠶惟畏麻。漆之則無麻氣。
又且耐久。然又須制一大篩。俟蠶稍大時用之。其乳
可容黃豆。

葉篩式



蠶椽

蠶椽架蠶木也。或用竹長一丈二尺。每層皆以二條相對。架於槌上。以攔蠶箔。須直而輕者爲上。今秦中細松椽便好。總不可用雜木。恐蠶蛀蟲屑墮葉上。蠶食之有傷。


蠶椽式



蠶杓

此布蠶杓也。剡桑大爲之。或無氣味之木亦可。其首大如酒杯。柄長三尺許。如盤蠶空隙。或撒葉不勻。則必以杓挹盛。以補其處。至蠶老。身簇或稀密不勻。亦用均有。倘有不及。更以竹接柄。

蠶杓式



蠶室

蠶室記曰。古者天子諸侯。皆有公桑蠶室。近川而爲之。築宮仞有三尺。棘墻而外閉之。三宮之夫人。及世婦之吉者。使入蠶室。奉種浴於川。桑於公桑。此公桑之蠶室也。其民間蠶室。坐北向南者爲上。南東者次之。向西者又次之。締構之制。或瓦房。草房。俱以泥塗材木。以防火患。其大小廣狹。任人之力。務要間架寬敞。每箔長一丈。間架可寬丈一二。可容槌箔。易於轉動。每間兩頭各置大炤窓。每臨旦暮。以助高明。易辨眠起。大眠之後。

可通風涼。總用紙糊周密。中糊捲紙一大方。後可啓

開。外掛草薦。蔭卑溼之地。須附地列置風竇。每壁底門坎之

下各開一穴。大五六寸。以磚合封。以防啓閉。以除溼鬱。高燥之處。不必用

此。凡蠶室之內。務要製造火倉。隨室大小。以爲加減。

如三間四椽房者。四角各置一火倉。方四尺。深二尺。

坑周圍用土壘。或磚坯。按壘高二尺。長粘泥泥了。通

計深四尺。如屋小者。當中置一火倉。制如上法。坑底

先鋪預收細碎乾牛糞一層。厚三四指。再將帶根節

粗乾柴塊於糞上鋪一層。柴塊須徑五寸以上者。凡柴拾槐槐及山中橡木。槲樹

青剛之類堅硬無柴上又鋪糞一層於柴空隙之處

氣味之本皆可用築得極實不可虛虛則火焰易起恐傷屋又恐熱火不能長久糞柴相間填坑

令滿再築極實上復用糞厚蓋一層約蠶生前七八

日今我秦中只在穀雨前九日是其然火之時糞上煨火必有黑黃烟起

令閉蠶室不可令煖氣出外凡五七日於蠶煖全前

一日少開門令烟出盡隨即閉之其柴糞隔下已成

熟火蠶火苗也甚喜暖初生之蠶更宜暖但怕烟不可用生火又生火忽大忽小不能均勻此火既

熟絕無烟氣一兩月不滅人不起動便如無火若用柴枝挑撥烟氣即起坑上必壘高二尺者欲使火氣

上勝散布室中又防其屋乾透其壁皆暖黑婆蚊蠅

黃夜人行誤陷入也

諸蠹盡可薰死。牛糞薰屋。大宜蠶也。蠶喜牛糞氣薰後門

掛簾馬或布簾或毡簾。不宜捲起。須防蚊蠅入內。有

蠶入者急宜捕殺若留在裏面蠶上簇時生蛆於蠶身後必穴繭而出則繭不能經絲矣其糊窓

之紙舊黑。須用白紙替換。糊窓時外掛草薦旋吐故紙旋拋新紙不使無氣出

外蠶室務須早治。室舊者。預期泥補。塞絕鼠穴。鼠食蠶咬

蠶室中宜有蠶掃殺凡族箔之下宜留衙道若臨時修治。墻壁淫潤非所

利也。下蟻前一日。將屋上壁間。及地上塵埃。務要刷

掃潔淨。下蟻之後。不宜掃動矣。蠶室一切禁忌。開列

於後。蠶屬氣化。香能散氣。臭能結氣。故蠶間香氣則

腐爛聞臭氣則結縮。凡一切麝檀零陵等諸香並一切葱韭薤蒜阿魏等臭並有氣息之物皆不可入室。

忌西南風。

大傷蠶氣。若有西南風閉戶下薦勿令風入。或預在室西南四五步作壁以禦之。

忌燈火抵撼於室內吹滅油炷之氣。

忌敲擊門窓箔槌及有聲之物。

忌夜間燈火光射入蠶室窓孔。

忌酒醋入室並帶酒人。

忌煎炒油肉。

忌正熱忽着猛風暴寒。

忌側近舂搗。

忌蠶室內哭泣叫喚。

忌穢語淫辭。

忌正寒驟用大火。

忌放刀於箔上。

忌不潔淨人入蠶室。

忌水潑火。

忌燒皮毛諸骨臭物。

忌當日迎風窓。

忌一切腥臭之氣。

忌燒石炭之氣。

忌燒硫黃之氣。

即趨燈子之類

忌倉卒開門。

暗值賊風多生紅瘰

忌高地遠擲。

蠶與箔相擊後多不旺

忌溼水葉。

食則生脫肛

忌飼冷露溼葉及乾葉。


食則必頭大腹結尾尖

忌沙煥不除。

沙乃蠶屎煥乃沙葉相合粘連一片者久而不除發熱薰蒸多生白瘰

以上諸息須宜慎之否則釁不安然多逃走而死

蠶室圖



祭先蠶圖說

蠶室備。內設先蠶位。不忘本也。歷代所祭不同。卽如漢祀定陵婦人。蜀氏公主。蜀有蠶文馬頭娘。又有三娘爲蠶神者。又南方祀蠶花五聖者。此後世之濫典也。夫農桑天畀養天重寶。必有所司之神以主之。所司者。卽始爲開導者。故農祭先農。蠶祭先蠶。神農始教稼穡。是爲先農。黃帝元妃西陵氏。始爲室養蠶。是爲先蠶。事蠶者。先立先蠶木主。當春先蠶神位畫像亦可。安之蠶室。意漸之處。藉亡制。祭先蠶壇壝牲幣。

如中祀禮。此後妃祭先蠶之禮也。蠶書云。卧種之日。割鵝設醴。以禱先蠶。此庶人祭先蠶之禮也。自天子。后妃。至於庶人之婦。禮雖不同。而敬奉之心。則一。凡養蠶家。下蟻之日。蠶多力厚者。設三牲酒醴。蠶少力微者。割鵝設醴。點燭焚無氣味之香。將蠶蟻之筐。置先蠶几案。蠶母率閭家。奠醴拜讀祈祝之文曰。惟蠶之原。伊駟有星。蠶事之興。聖母肇成。氣鍾孕育。惟神適從。保之佑之。有箔皆盈。尙冀終惠。用彰厥靈。簇老獻瑞。繭盆效功。敬獲吉卜。克契心盟。神其來享。爰祀。

注誠莫拜畢將蟻筐上架飼之此祭先蠶之章程也

歌曰

一家大小禮神明
惟祈三春蠶事成
滿室提綱蒙神祐
盈箱衣帛托聖靈



祀先顯圖



立蠶母說

蠶母者。乃主蠶室率領飼蠶者。每室必立一人。以腹
節餓飽。以身測寒熱。愛護珍惜。如慈母育嬰。故有母
稱。男婦皆可爲之。男忌臭穢。女忌產婦。務要慇懃之
人。最忌懶惰。熟記其法。能按規程飼養者。身著袂衣。
不論新舊。務要潔淨。以候涼煖。已身覺熱。蠶亦熱。宜退火。已身
覺寒。蠶亦寒。宜進火。務使室中溫和。始終不知有寒
熱之苦。不得頻換顏色衣裳。洗手常要潔淨。不可手
搯苦菜。食生姜葱蒜。香椿。大豌豆。並飲酒。又不可親

身拌醋。燒石炭。衣染惡氣。慎之。

以上一切忌惡之事。邪穢之氣。辟除蠲潔。夙夜齋敬。不致褻慢。能依此法。自然宜蠶。不必聽信陰陽師巫。並愚婦之言。某人命裏不宜蠶。某相屬不宜蠶。豈不知農桑一理。世無不宜農之男。焉有不宜蠶之婦乎。至使改門換戶。誚禱神祇。虛費財用。實無所益。故先儒有銘。以爲業蠶者戒。銘曰。世業農桑。旣興我室。比臨蠶月。復事塗飾。旻剋校除。神主斯立。曲植旣具。錡筐乃集。連蟻方生。若不厭密。婦以母名。育有慈德。爰

求柔桑。入此飼食。寒煥身先。是爲體測。上無疎薄。下
無溼浥。簾箔垂門。龕火在壁。夜窓或遮。風竇時窒。頗
忌北風。空障西日。他工莫興。外人莫入。庇護攸安。漸
至捉績。祈祀以時。願獲終吉。神實相之。簇如雪積。分
蘭稱繇。來告功畢。

論蠶

欲事蠶者。先樹桑。次製什物。修蠶室。安蠶神。立蠶母。數事備而方可以言蠶矣。夫蠶爲衣冠文物之祖。所係不綦重哉。考我中國。自草服後。皆務桑蠶。以絲帛爲衣。自炎宋時。棉花之種。傳自海南。始入中國。率土共仰其利。而獨不宜於秦。秦之桑蠶。又久失傳。秦人衣被。皆仰給外省。蠶之名義俱失。今特表而出之。蠶乃天駟之精。孕絲蟲也。衣帛所出。功與穀對。非他虫可得而比。形乃氣化。蠶即生於桑。余家園中種桑。五分許高。可六尺餘。於庚戌

夏國月忽生小蠶滿園余收而養之得良繭以此傳
種與家蠶無異方知古來蠶理所出皆氣化而成况
氣無停止觀蠶身之中閃爍不定如湯面集氣之象
時時變換一日一小變七日一大變凡七變而息
性屬純陽喜燥惡溼食而不飲陽立於三春故蠶生於三春陽息於陰生故蠶死於夏至之後
種類甚繁五方所產各殊一種四卧一生蠶南蠶多四眠四
起余家亦養此蠶得自南方一種四卧再生蠶四起
歲獲作繭蠶亦無南北之分一種四卧再生蠶四起
一歲一種柘蠶即棘繭也一種雉由蠶食柘作繭者一種
兩生一種柘蠶生於柘上一種雉由蠶繭者一種
杭蠶食蕭葉一種柘蠶食柘椽作繭者三種皆山蠶
作繭者一歲再生樹放而織繭細者
海南橫州一種風蠶絲作釣綸具嶠之山一種水蠶
長六七寸黑色有鱗甲以雪覆之則作繭長尺許抽
五色絲織為文錦入水不濡入火不燎即火浣紗也

堯時海人獻之。其質輕暖柔滑。亦雪蛆之類。此尤蠶之異者也。廣東一種八輩原蠶。原者再也。謂一歲再養者。原子爲珍。珍子爲愛。三月至十月能生八輩。又有白頭蠶。顏石蠶。楚蠶。黑蠶。灰兒蠶。老秋兒蠶。錦兒蠶。秋末老獬兒蠶。同繭蠶。不可盡述。我秦中一種三卧一生蠶。北皆三眠三起。南方亦有養之者。有大小白烏斑色之異。繭有青黃白綠之殊。自卵生爲蟻。蟻脫爲杪。杪脫爲蠶。蠶脫爲蛹。蛹脫爲蛾。蛾脫繭復卵。蠶屎名爲蠶沙。蠶皮爲蠶蛻。蠶紙爲連。蠶卧曰眠。蠶已脫殼曰起。蠶卧之蓐曰沙。與不論南北之異。四眠三眠之殊。總之一七而變。四

變而老。七變而死。蓋氣化神物也。乃資生要理。安可不知哉。

擇種下子

養蠶之法。擇種爲先。如五穀然。倘繭種薄。則蛾多病。雖生子。來春養之。其蠶必病。若收種不得其法。生子不齊。來春養之。則眠起不齊。將來上簇必不齊。其爲患也大矣。惟在謹於謀始。如胎教然。開簇時。須擇簇中近上。向陽堅實好繭。雌雄相間而收。雄繭緊細尖小雌繭圓漫厚。摘出於通風涼房內。淨箔上。一一單擺。不可堆聚。

恐罨厭熏蒸。因熱而生。決無完好。其母病。則子亦病。
理固然也。待七日之後。其蛾自生。若有拳翅。禿眉。焦
腳。焦翅。焦尾。熏黃。赤肚。無毛。黑紋。黑身。黑頭。並先一
日出者。名苗蛾。末後生者。名末蛾。俱揀出不用。在室
空閒處。豎立柴草。將此揀出不用之蛾。置於其上。不
可令禽蟲傷食。及人踐踏。俱爲不吉。至十八日後。蛾
自處擇淨地。掘一坑。貯蛾。其中用原柴草
蓋蔽。以土封之。蠶有功於人。理當如此。

只用次日。並第三日。出的完全肥好。蛾子。令雌雄相

配。辰時至戌時。方析開。

當日亦宜提
撥去其便尿。

厭氣乃全。生子

氣足。欸欸摘去雄蛾。

放在揀出不
用之蛾一處。

將雌蛾勻稀。布於

連上。連須桑皮紙爲上。構皮紙次之。不可用麻紙。連須用厚紙。若紙薄不耐浸洗。連取掛時。二紙相

連之。將連鋪於無風涼房中。淨蠶盤內。上再用盤覆

之。令暗。則生子不遊散。生子數足。更令母蛾就連上

覆養三五日。則氣完固。然後將母蛾摘去。放在摘出不用蛾一

處待老死後同埋之。每日所出之蛾。下子爲一輩。不可將數日

之蛾混在一處下子。連上須記寫日子。來年養時。將

同日所下之子。生蟻爲一等養之。自然眠起皆齊。若

將數日所下之子。混在一處生蟻同養。則眠起必不

齊。極爲患害。蠶連懸掛於通風涼房內。忌烟薰日晒。

掛時將繩子繃緊兩背相靠蠶子向外勿致風磨損傷其子。

下子掛連圖

款曰

雌雄對待造化機
辰時相配戌時析
氣乃全生子足
明年出庭滿箱衣





浴蠶種法

蠶子自初生至一十八日後取下蠶連用井華水清

最初浸洗去便溺毒氣仍復掛起待十二月初八日

仍用井華水浸一二時南方有一法於臘八日將蠶

院中高竿上三晝夜仍懸室中次年耐養子初得其

法疑子被鹽漬恐不能出蟻後依法試之亦能生活

但後來尚成與水浸取出懸乾再用長竿懸蠶連於

上置院中日晒月照一晝夜使受日精月華之氣則

耐養復懸室中立春日用新瓮一個大小不拘如蠶

雖一個亦可多者用將蠶連豎立其中須使虛鬆玲

瓏。每十數日。於己午時。取出瓮中疊連。展開一二時。復收豎立瓮中。如有雨。待雨止後。亦宜取出。少通風日。仍入瓮中。至清明日。取出。用韭葉。柳葉。莠花。並菜子花。搥碎於井華水內。浸浴之。懸乾。不可見日。移於溫室中。懸掛。此浴種法也。

浴種圖

歌曰

蠶種三浴最易脫
明年絲纈自然多
莫惜手指以寒凍
不日盈箱五袴歌



養蠶總要

蠶種備方可言下蟻養蠶未下蟻養蠶先講養蠶總要。

飼蠶必晝夜無間。故頃數多蠶疾老。頃數少蠶遲老。古人云。養蠶莫巧。食到便老。若慇懃布葉。按時飼養。蠶室溫暖。不惟繭堅多。亦且省葉絲。若怠惰因循。或饑一頓。飽一頓。聚一頓。漫一頓。與一時熱一時。不惟繭薄絲少。亦且費葉絲。最難上机。若蠶二十三日而老。一箔可得絲二十五兩。二十八日而老。一

箔可得絲二十兩。若月餘。或四十日而老。一箔只得絲十餘兩。大約飼蠶者。慎勿貪睡。以致功廢於半途。事雖一月。其實要緊。只在大眠後七日。受此七日辛苦。卽獲一歲之利。可不猛醒。務本新書曰。蠶有十體。
寒在連熱下蟻餓眠起向食稀布之密下子眠
宜寒熱宜熱宜餓飽宜飽稀宜稀
眠起
脫壳緊
臨眠上簇
漫方起宜
起爲起
緊飼
漫飼

蠶經曰。蠶有三光。白光向食。青光厚飼。皮皺爲饑。黃光以漸住食。蠶有三稀。下蟻稀。上箔稀。上簇稀。蠶有五廣。一桑廣。二人廣。三星廣。四箔廣。五簇廣。

韓氏直說曰蠶有入宜方眠時宜暗起以後宜明蠶

小並眠時宜暖宜暗蠶大並起時宜明宜涼向食時

通風但忌小孔宜加葉緊飼新起時怕風宜薄葉漫

飼蠶之所宜不可不知反此者為逆必無成理

蠶室須知加減涼暖蟻初生時宜極暖蓋是時天氣

已暖又風雨陰晴不測朝暮晝夜不同一或失宜蠶

病即生惟在蠶室得法周置捲窓中伏熱火如蠶欲

暖而天氣寒者閉窓門外掛簾薦內撥火倉熟火則

外寒不入和氣內生若遇大寒苦窓撥火不能勝其
寒者則用擡爐外燒牛糞絕烟置蠶室四隅火氣自
然薰蒸覺熱則去餘火蠶欲涼而天氣熱者蓋開火
倉捲起窓紙涼氣外入熱氣內消若遇大熱閉火捲
窓不能解其熱者則去其窓紙下開風眼窓外及槌

下俱灑潑新水涼氣自然透達熱退則糊補其窓閉
瑟風眠使其蓋自初至終不知有寒熱之苦病少爾
成一室之功也然寒不可驟加熱當漸而益火寒而
驟熱則生黃軟等疾熱亦不可驟通風涼當漸而開
窓熱而驟通風涼則變白殭此又不可不知也又正
熱極者寒氣便閉口不食即用搗熅盛無烟牛糞火
用杖撥火於槌箔下往來
辟去寒氣則蓋自然食業

眠起取齊法

蓋若齊眠齊起自然上簇便齊不惟省
功省藥且堅繭多經或有眠起不齊者

病原於今既然矣當從此以治之如於純黃之中
間有退白而向黃者是與純黃不相遠須頻飼以督
之則進其眠猶可相及如已見純黃又多青白此與
純黃懸遠雖飼之類則亦莫及蓋蠶之變色為變之
小絕食退膚為變之大為蛹為蛾則變之尤大而至
於化也凡至純黃則結葉不食而眠如人之大病周
身氣血為之變換一晝夜安靜不擾則眠為得所今
以青白者尚多飼而亂之動而躁之則眠而失其所

矣。及其青白者變黃。向之眠者至此已起。起者如病人新愈。欲得少食。以按氣血。但後眠者不能食。若先起者。先飼則先老。上簇便不齊。焉得個個細揀。若待後眠者起。而飼則先起者已經餓損。多病少採。端為可惜。故蠶經云。眠起不齊。採減少。正謂此也。

又要量葉下蟻。不可貪多。如已力只合放蟻三兩。三兩

蠶老可三十箔。就旧箔三十。簾棚六十條。房三間。桑五畝。人八個。牛糞一車。便鋪紙。草俱要預笑。因為貪多。便放四兩。以致桑葉房屋。祿箔人力。糞薪俱各不給。因而雨失。慎之。

初蠶下蟻法

凡各省養蠶。下蟻之時不同。自秋分之日。日行南道極南而返。故冬至之日。

日復北行所以溫和之
廣東立春
廣東北極出地平
氣自南而漸及於北
二十二度半在北

道之內
四川驚蟄
北極出地平二十九
故先暖
度半故次暖於廣東
江浙清明
江浙

出地平三十度
江南出地平三
十二度半又次暖於四川者
我秦中在穀雨前三

四日
西安出地平三十六度又次於江浙至於山西
三十八度北京四十度又次於陝西者當在穀

雨之後至於山東三十二度半河南三十五度江西
二十九度湖廣三十一度福建二十六度廣西二十

五度雲南二十四度貴州二十四度半
皆以廣東順序退日養蠶即得正時
今人不知其

時往往在清明日便暖蠶種及其蟻出桑葉未生每

飼以榆葉不知蠶小受饑終不能成絲凡養蠶者須

在清明日取出瓮中所收蠶連按上法用葉花水浴

過遷於無風溫室。中間懸挂。太高傷風。太下傷土。每日轉動蠶

連。以左者向右。以右者向左。使受寒熱均平。變色必

齊。自此以後。蠶蟻之生。遲速由人。欲遲生者。將蠶連

緊捲。用紙數層包裹。收入瓮中。密封。不可開看。能遲

十日半月。欲早生者。須看桑上葉生如茶匙大。是蠶

生之候。不論各處寒熱節氣。但以桑上葉生為準。桑中只在穀雨前後數日。將蠶連收

來。以二連相合。層層平鋪。連背向外。用棉花包裹。厚

三四寸。外再用被蓆。或淨綿襖包裹。共厚四五寸。置

溫室暖匾上。外再用衣被覆之。古法有日中照連提。撮變色生蟻之法。余

屢試不善。惟此棉常以手試蓐底。有溫和之氣。如雞

包暖。織之法最好。不可熱。熱則蟻死不出。即有出者亦終焦枯不旺。不可寒。寒

則遲出不齊。亦不可乍寒乍熱多致壞那。每日夜翻轉棉包十餘

次。常要溫和。以向下者復向上。又要早午晚三次。取

開棉包。捉撮蠶連。將中間者換在兩邊。將兩邊復換

在中間。取其受氣均。仍包裹溫暖。聞包時忌見風日。

否則殼乾。又要看蠶種變色。蠶子本青色。將出先變

綠難脫。又其中如春柳色。再變蟻蟠。其中如遠山色。此必收

之種也。若頂平焦黑。蒼黃赤色。便不可養。此難成之

也。若暖之合時。如法。不過三四日即出。不知時者有

在清明前暖

主十數日焦枯不出者有清明暖至八九日方出者皆謂之失時不能成絲若合時得法三日出者爲上四日出者得中五日出者爲下六七日日出者不堪養多不能成生蠶性在京暖知時開措得法使無先後參差之弊自然黑若見蠶種十分皆變灰白色次日起皆齊無病多絲

蠶必出先將蠶室東邊一間掃除潔淨遮蔽門窓內添熟火使之極暖凡蠶宅或三五間另辟東邊一間務要周密不通風寒以爲養蠶之所東間者取其太陽先照之義另隔一間者取其室小易於放火生暖况養蠶止用一間足矣或另修一間在穀雨前七八日放火生暖專爲養蠶之所蠶生五六日後再於大蠶室內放火及朝息室暖正蠶大分箔之時移入大室暖氣尙勝若同在穀雨前放火至蠶六分箔時暖氣已微矣

候次日東方白時將棉包取開提撥鬆活仍覆以輕棉待半

頓飯時。見有黑蟻出者。將蠶連單鋪室內。匱上或箔

上。此時要極暖如寒者。當更加炭火。少間黑蟻齊出。若有先一日生者。或末後生者。

皆不可用。後必眠起不齊。不忍棄。將連同蟻稱之。記

者。另作一用。養之。不可混在一處。將連同蟻稱之。記

寫分兩。如蠶連共蟻用戠子稱得九兩。待蟻先將蠶

筐或箔。用前所收蓐草。搗極軟綿。勻鋪筐底。或箔上。

再鋪厚綿紙一層。紙用桑皮或構皮者佳。再將桑

葉採來。貯懷中。令暖去露。淫惡氣。或葉多不便懷。展

將葉同細白米共入匱內。搖動。令米收乾。葉

上露氣。匱是圓竹。漿如無。只用木漿亦可。用刀理

齊。細切如髮。須用極快刀。方用葉篩。勻。匱內。

蓐紙上。却以帶蟻蠶連。以蟻向下。覆於葉上。其蟻聞

葉香。自下食葉。不知此法者往往以鷄鵲翎掃撥或

處以紙包裹稱其分兩布在或有多時不下。緣於連

背。翻過自下。又不下者。並連取去。此殘病蟻也。蠶連不可

輕棄蠶上簇昨如有雷聲待蟻下之後。將空連一稱。

即知蟻之多少。如蠶連共蟻稱得九兩。今蟻下之後。

空連只稱得六兩。便知下蟻三兩。三兩蟻至老可分


可老一箱筭長一丈闊五尺如筭小可減蟻不然蠶

稠必為後患如養蟻過三兩者可更加筭如養蠶少

者用筭筭可也總均布一箱。惟在詳款。稀勻。不至稠

以三兩一箱為差

登。驚壓上用一箔遮塵土。下用一箔隔溼氣。中箔養
蟻。是時蠶母沐浴淨衣入蠶室。祀神餼注詳前。又用
炭火燒桑子一二枚。以辟邪惡之氣。又將院內
犬畜類逐向遠處。恐驚新蠶。



和邊一鐵圖

歌曰

清明浴罷桃柳湯
穀雨蠶出細如芒
阿婆把秤定分兩
量葉下蟻養幾筐



劈蟻法

蟻既下連用快刀切桑葉極細以葉篩篩於蟻上務

要薄而勻二三次方好以後旋摘旋澆則桑多液切

其必細者恐益蠶也必篩者恐不勻也不勻則食葉

有間飽則眠起不齊然葉槎微液不能久存少頃之

間即便乾枯故須頻切而頻篩也此時不可第一日

以接桑葉飼則多病須在大眠後用之

不在頻飼一時當飼三頓一晝夜通飼三十六頓甚

勻薄勿憚頻凡蓋新蟻惟食桑葉津液若頓數

不多譬如寸乳嬰兒小將失乳後必羸弱病生蠶室

宜極煖極暗大凡蟻宜暗眠宜暗將眠及第二日

飼至三十頓葉微第三日飼至二十餘頓又稍加厚

此時沙煥

已厚急宜擗蠶除沙不熱淫熱蒸蠶必病於巳午
生擗蠶除沙者俗乎為歐蠶也後皆倣此

時間復用蓆草綿紙另鋪一箔先將細切桑葉節於

蟻上較前稍厚些待黑蟻上葉時用蠶匙薄帶沙煥

輕輕將蟻欵手挑起分如小團棊子大布於新安箔

上盈滿一箔先下蟻留箔周
邊今有滿全箔

分蟻圖

歌曰

蟻至三日宜撈分

勿使沙蒸熱氣薰

蠶應頻除葉頻上

時時用香要慰勉



頭眠飼法

劈分盈箔之後。可漸漸加葉。早晴可捲東窓苦。自此以後

常宜如此。若天陰及旦暮不宜捲。每日至夜則垂。凡迎風草薦並西照窓薦。切不可捲。後皆倣此。

四五日。每日夜可飼二十頓。葉漸加厚第六日。蠶將眠之

時。身肥皮紫。飼之宜薄。宜頻。一日夜可飼二十三

頓。漸變黃色。隨色加減其食。第七日。蠶皆變黃。盡結

嘴不食。是為頭眠。蠶眠者乃脫殼之候也。蠶食至此

不脫。換必不能長。故身硬靜卧如睡。眠一般。一日一

夜不食不動。至於脫殼復起食之甚急。一日之間長

大數倍。乃造化自然之妙。三眠皆此理也。正眠之時

不可驚動。擾亂靜安。得所自然。蠶眠亦不拘定七

日若室暖飼緊則早眠一日室寒飼漫遂遲眠一日
以七日而言者蠶屬純陽一七而變四七而老七七
而處是常道也室暖飼緊陽氣先得充盈故二十五
日而老蠶肥絲多室寒飼漫陽失培助故月餘四十
日而老蠶瘦絲少總之不論眠之遲速只眠有抽飼
從眠前臨眠既起三法飼之自然不錯

斷眠之法謂抽減眠蠶之葉不致覆壓惟專飼未眠
之蠶使之速眠不惟眠起得齊且無葉老

與熱之病古人云學得抽絲斷眠法年年蠶計得絲

蠶後停眠大眠上簇皆倣此不可不知蠶向眠時量

黃白分數抽減所飼之葉漸次細切薄簡頻頻飼之

如十分中有三分黃光者即十分中減葉三分比平

常稍宜細剪薄簡數亦宜稍頻如十分中有五分

黃光者即減五分之葉比先次又細切薄簡其頓數亦

宜加頻如十分中有八分黃光者即減去八分之葉不

元先次令極細篩令極薄其頓數亦宜極頻

不

晴早夜急須擡過

擡時蠶小用匙大則用網宜
預鋪厚紙於別箔上分揭如

勞蟻法但蠶漸大分塊亦宜漸大如六圓
撞畢急須

碁子空亦宜漸寬每塊各相去二三
細切頻飼候十分盡眠不食方住投葉

要極暖暖則一日夜可脫殼若寒則不
止一日夜或一日半或二日方能脫殼

之蠶脫殼盡起
第八日頭


變也
之一大
變也

歌曰

頭眠圖

一眠變一番新蟻形既換見蠶身
密宜暗常加暖此時愛護惜如





停眠飼法

停眠即二眠

頭眠初起。將葉細切薄筩。飼一頓。亦如人之病起欲得少食以接元氣

若葉厚食多必至一日夜。飼六頓。第九日。擡蠶分筩。

內傷後必食淺。用等紙另鋪二箔。辰巳時厚飼蠶正食時用匙薄帶沙。將蠶擡起。分如象棋大相去三四分。滿二箔。滿

加葉一日一夜。第十一二日。每日夜飼二十頓。十三日。飼十五六頓。

如如上法。勞如小錢大布滿三箔。第十四日。蠶復

將眠。辨色加減其食如宜極煖。候蠶變黃色。不論陰

晴。急須擡過。擡如布滿六箔。宜頻飼候眠一日夜。十

五日。蠶復脫殼盡起。是為二眠。

試烹

歌曰

一番眠罷又一眠
臥過兩次發熱氣
全食力旺時頻上
茶除去宿葉換
新鮮



大眠餌法

二眠初起。一日夜餌四頓。宜薄第十六日。宜漸加葉。可

餌十三四頓。第十七八日。宜餌十七八頓。宜厚此時

宜分擡。擡如上法。擡時要天氣晴。若陰寒不宜。可左滯八箔。第十九二

十日。每日可餌十八九頓。至二十一日。蠶復將眠。宜

微煖。綠色加減其葉。如候蠶變黃光。不論陰晴。急須

擡過。可布滿十二箔。細葉頻飼。候蠶盡眠。方佐食。眠


一日夜。第二十二日。復脫殼盡起。是為三眠。一名大眠。北蠶

皆三眠。三起自此以後不復眠矣。大眠起。再飼切葉三頓。以後不用切連枝飼。

大眠圖

歌曰

守近三眠大
起時全在七
日費心機老
惡蟲正要連
錢半刻光陰
莫教觀



上簇法

大眠既起一日夜可飼三頓第一頓宜薄但令第二

頓比前更薄。仍覆白第三頓如第一頓。此三頓如不短葉則必至老食

漫二十三日一日夜可飼七八頓。此日早飼一頓再

至辰已間取臘月所藏菉豆預先溫水浸生芽晒乾

磨作細麪將桑葉切碎攤在筐內新水灑拌極勻每

箔以菉豆麪半升拌於葉上令極勻以蠶網覆於蠶

上將所拌之葉布於網上蠶上猶食葉殆盡復布純

桑葉一層至第四頓復如上法切葉拌白粳米麪子

半升。又飼一頓。此時方擡網。要衆手疾擡。若堆積多。漸漸隨擡。或耗總。布滿二十五箔。要稀每蠶相。此時有老者。多作薄繭。

方去蔞草。至第五六七八頓。皆飼純葉。至第二十四

日。辰巳時。復如上法。拌臘月所製桑葉麩子一頓。如

眠後蠶盛。葉闕。間飼四五食葉盡時。又將桑葉。用新

傾。不妨不問者。不必用。食葉盡時。又將桑葉。用新

汲水。噴令微濕。如細雨之狀。噴時用新水。再飼一頓。

不用拌麩子。蓋已往用火。今復用水者。取其陽不離

陰。水火成功之意也。飼水葉時。須要天氣晴明。若陰

雨。不可候次。此時用網分擡。可布滿三十箔。蠶自大

日晴明。再飼。自此以後。不論日期。頓數。須要急飼。

一日一擡。除去沙。煥自然無病。自此以後。不論日期。頓數。須要急飼。

不可缺葉。缺則絲遂少矣。此時漸暄。蠶室覺熱者。可

全開捲窓。外挂竹簾。

以防蠅虫入內生蛆。蠶身後必咬孔而出。夜則宜閉窓門以防

蚊虫入內傷蠶。

若熱甚。則更剗開窓紙。室內再用水缸。但有

猛風暴寒。又宜閉窓薦門戶。畧用微火。若有雷鳴。須

密閉窓門。勿使電光射入。周置水盆炭火。以解其畏。

過後時時挾葉。連箔巡視。但見箔上有空隙處。卽以

葉補合。

大畧後食無停止。缺一分葉卽減一分絲。故但見有穴隙處。是蠶先食葉盡也。卽用葉補。

合晝夜巡視。全在飼至身肥嘴小。絲喉漸亮。

蠶將老時先自

此數日。否則爾薄。喉間明亮。漸及過身柔軟。明亮便可上簇。

蠶將老之時

也。飼之宜薄且頻。若養老如養小亦如入老多食傷脾

所結之繭亦必宜微煖。如老不耐寒然亦須量度天

濕潤抽絲最難未老時不過一二日之間便可上簇矣。得絲多少全

在此數日。按法飼養只在二十六七日便可上見有

老者依抽飼斷眠法宜薄宜頻候蠶盡皆身體透明。

不食遊走。蠶性聚而不散守而不走如有遊走者是

作繭乃造化是作繭也。急宜撥之上簇。

造簇之法南北皆不同。古人言南人蠶少多室內造

利亦薄北人蠶多簇大多院中造簇其弊頗多蒿薪

積蠶不無壓覆之害風雨浸浥亦有翻倒之虞以此

觀之足徵蠶始古法有圓簇方簇馬頭長簇余俱未

試每於蠶上簇時用千頭掃竹子即地覆子用時須

爭極以椽作層架縛掃竹子於上每掃竹子心內分開

實以稻草或以內可盛蠶其下周圍布以稻草以承

墜蠶將老蠶用盤擡來一把一把另放於掃竹子心

內自能散而結繭如無者用稻草縛如鐘口大分如

傘樣用椽板作層架豎立其上布蠶甚好或穀草乾

竹稍皆可爲之如蠶多者將稻草疏拌潔淨截一尺


二三寸長將上稍縛住約五六十根爲一束分如傘

樣。豎立於老蠶箔上。又每一空處。仰立一束。上復薄
撒亂稻草一層。不可厚了。一箔上可簇兩箔之蠶。上
之蠶不可稠了。稠則二三蠶合結。一繭絲混不利。難
繰。甚則積累厚。壓薰蒸。捲熟蠶。死繭。朽俗呼為傾簇。
即作綿亦不堪用。此時宜極煖。房大簇大者。用炭火八盆。房
小者。用火六盆。日間天
煖。火宜小些。夜間氣寒。火宜大些。
務要簇室晝夜有人。以防火患。若上簇蠶寒。不惟
作繭遲。而且少絲。又難於繰。如上簇時。遇雷須密閉
門窗。覆以蠶蛻紙。周圍用水盆。以止其畏。用火要兩
晝夜。則繭成矣。繭成之後。大開門窗。以通風涼。七日
而摘。

上簇圖

歌曰

蠶上簇時透體
明吐絲結繭自
經營老蠶養果
室宜煖時添炭
火加烘籠



摘蘭法

上簇六七日之間。方可摘蘭。摘時將堅實良蘭。另放

一器。將薄蘭。兩頭薄的蘭。有孔的蘭。二三疊相合的

蘭。並蠶蘭。擇出另放一器。製作繅用。良蘭繅絲最利而且勻淨若推

以薄蘭不惟繅絲絆扯而且麤惡不勻若凡蘭長而

惜疾雨則反壞良蘭求多絲而反少絲整白者。細絲之蘭。大而晦色青蔥者。麤絲之蘭。絲以白者

為上黃摘下攤於通風涼房內箔上。厚二三寸。不可

過厚。厚則發熱。絲腐難繅。五六日之間。方可繅絲。若早

繅則雨後不利若遲至七日後。則蠅生。若繅之不及有蒸餾之法

摘葡萄圖

歌白

爛然黃金英

白銀象家欣香

愛鮮新摘未薄難

通風處厚積重蒸

致腐陳



蒸繭法

繭以生線爲上。若線之不及。古人有鹽醃、瓮泥、日晒之法。余試之未善。余家用蒸繭之法最好。其法先將繭外蒙茸之衣扯淨。是蠶初營繭而作者收此絛衣甚便用蒸籠三扇。將繭鋪於籠內。厚四指許。以籠兩扇安於鍋上。蒸至熱氣透出。頻於繭上以手背試之。如手不禁熱。卽扯去底扇。卽續添一扇在上。鋪繭如上法。不要蒸得過了。過則軟了絲頭。亦不可不及。不及則蛾仍生。如手背不禁熱。方是蒸得合宜。將蒸下繭子。盡攤於通風

京房內箔上。用鐵刀撥動。厚三四寸。候冷定。用細柳

稍微覆之。

若欲久留時常覺撥陰乾

大約一日之內。須要蒸盡。

時

須在蘭摘六七日之間

不然恐來日蛾出。如法蒸晾。雖徐徐燥

至數月亦無妨。但蒸過之蘭。日久必乾。燥時須入油

鹽。方得絲頭順利。其膏少者。不必用籠。余嘗只用大

竹篩一箇。鋪蘭於內。亦厚四指許。篩上置鮮椿葉一

箇。以布單覆篩。安鍋上。蒸至椿葉變色為度。取下攤


晾如上法。摘蘭蒸餹之法已備。方可以言絲絲矣。

蒸 蘭 圖

歌曰
 摘蘭七日蟻自生
 急須蒸餾莫消停
 箔攤風乾猶久待
 月餘線絲利且輕



瞭 蘭 圖



附養熱蠶法

原蠶

原者再也一歲再養者一名夏蠶一名熱蠶廣人呼爲細蠶一名二蠶原子爲珍珍子爲受三

月至十月能生入華此另是一種出自廣東泰中桑少人不知養余會託人在廣東帶來養之得良前惜桑少不能月月養之遂失其種若桑盛之時何難於廣東再帶彼處有一歲三生四生八生者我處只取得三生者佳春養出夏種夏養出秋種秋養出來春種不可有開闕則絕種我處春蠶亦偶爾有夏生者余家庚申歲四卧一生蠶忽生原蠶甚多養之亦得良苗但出無定時不限多少又非人力所能不可爲

帝一歲再登非不利也然王者法禁之爲其殘桑也

有言蠶與馬同氣物莫能兩大故禁再蠶者爲傷馬與此見理不明乃謬言也特以桑不宜斬伐太過太過則次年葉便遞生倘春蠶不幸偶遇天災夏秋養恐誤春蠶故禁之

之以補歲計。其法於立夏前三四日。將蠶連即原蠶種以

綿花包裹。置溫處。一二日即生蟻。養法與春蠶無異。

一十八日而老。上簇六日而摘繭。七日而蛾出生。耶。

又七日而卵自生。蟻是為原蠶。其養法必勤而無間。

葉盡即添毋使饑吞火氣而病。但夏月天氣大熱。蠶室務

要通風涼房。南北開窓。糊之以紗。或用密孝帽麻布

糊之。或門窓俱挂細密竹簾。或荻葦簾亦可。務使通

透風涼。不令蚊蠅入內。蠅於蠶身生蛆。蚊能叮傷蠶。庸最能壞蠶。始終不可捲起。

門簾並窓扇。致令鑽入。慎之。蠶沙每日早晨捲除。勿令涇生自蟻。秋蠶亦宜如此。三眠後常飼以菜豆。好

以解熱毒。將菘豆用溫水浸生芽。晒乾磨爲麪。用菜
一筐切碎。混以新水拌菘豆麪。五六兩三匙。後同飼
三四頓。又飼
水菜一頓。室內多用水缸。日換新水。不可令雜人
出入。其蠶最小。一十八日而老。見利甚速。夏蠶亦不
可多養。只須些少。以度秋種。秋月養之。比春更穩。但
秋蠶初宜涼。漸漸宜暖。正與春蠶相反。春蠶初宜暖。後宜涼。秋蠶
初宜涼。後宜暖。因天氣故也。但夏秋蠶。蔭
草須用陳稻草。搗令軟爛。爲之勿用麥。菅初糊窓以
紗。漸漸天寒。復用紙糊之。及至臨老上簇之時。天氣
更寒。室中亦可用火。至於上簇。繰絲。其法與春蠶皆
同。

縹絲法 俗呼爲打絲

縹絲法古今南北甚多。不可盡述。只就余家用過二法言之。冷盆縹爲上。火縹次之。二法詳列於後。

縹水絲法

水絲者。乃冷盆所縹之絲也。精明光彩。堅韌有色。絲中上品。錦繡紗羅之所出也。雖曰冷盆。亦是熱釜提頭。摘去黃絲亂茸。單留清絲。送入溫水盆中。以數忽相合成絲。自然光淨勻細。然其熱釜。其法用小鍋一口。徑一尺餘者。銅鍋爲上。砂鍋次之。鐵鍋爲下。鍋小則下黃少。從下旋縹。則絲性不損。若

綢大下繭必多線之不及黃傷周圍用土壑泥成風

竈。如泥燒鍋火門向上者只照平常泥鍋法但多用

一人柴往下燒火焰連鍋底而後出鍋後相去六七

寸再安一小鍋火從下過鍋水亦熱以備換鍋內盆中之水後作長烟洞

用椽二條長一丈斜安在鍋後對接烟洞高四五尺

二條相去濶一尺椽上平鋪土壑一層兩邊側立磚

坯上復平蓋一層以泥使烟遠出免致薰偈線絲之

人鍋高與線人坐而心齊坐高一尺左邊安大水盆一口

鼓之鍋高二三寸盆口寬二尺餘今飲牛磁頂盆最好如無即用大瓦瓮一箇內置溫

水九盆上橫安線車一箇古法以竹筒貫一鐵條或用水分滿用木輓轆貫鐵環內轉動

沉滯響甚聒耳猶未爲善余製一不响之車其法用一木橈削方徑寸半高週緣盆五六寸插在盆邊地上近頂處安一橫枕亦削方徑一寸三分長與盆齊其橫枕當盆之中鑿安兩小柱高四寸兩柱相去三寸餘柱近上橫安一細竹條如簪幹壯貫一輕袍輓軸袍卽蒟蒻皮其制用袍二員片徑寸餘兩片相去三寸近邊一週俱挿細掃竹幹亦如簪幹壯成一圓籠樣兩袍片當中鑿一孔棲一竹筒貫於細竹條上令其滾轉活動無滯軸下木枕當中鑿一孔內棲一小竹筒孔如豌豆大枕下露出三四分此車不川錢眼線時將絲頭用掃竹芒子從孔中引過上軸拘交此絲車無銅鐵滾轉最輕快利無比總無响聲

靠盆邊又立挿一木棍名爲絲老翁以挂清絲頭線

盆右邊安置絲軒離線盆三四寸。軒式最多有重大繁難者布交不清

解絲不便余製一筒便絲軒一周八交易於尋頭一手攪軒一手添絲頭運連由人拽之脚踏大軒甚便

其制用立木椿一根徑三寸高五尺下作木架立安
其中頂頭安一橫枕長三尺五寸以懸搖絲竿椿中
間安一木軸徑寸半軸上貫安絲軋軋如車輪有頭
有輻頭徑五寸周圍裁輻八行每行二輻上安平枕
輻高一尺五寸枕長八寸安雙輻者七枕惟一枕只
用單輻將單輻中間斜鋸成兩截如馬耳樣用時相
合以麻繩扎緊待絲滿軋解去扎繩其枕自脫絲遂
可卸頭後邊豎立一圓木墩高五寸徑三寸底微尖
如桐底樣中間豎安一細柄高二尺柄頭安三寸長
擡柄頭平串連搖絲竿竿以竹片爲之長三尺五寸
中間錠一銅鈎子以提絲擺交其橫枕近稍處縛一
竹圈貫搖絲竿於內令其擺搖活動無滯又於輻條
中間安一木槓長四寸手握攪之則木墩自轉搖絲
竿自能擺動其絲根根相爲斜壓畧無分毫紊亂後
日絡車解絲時頭自在交中線時用一人提絲頭先
不難尋覓雖夜間亦可解之線時用一人提絲頭先
將鍋下燃粗乾柴柴細則火忽大忽熱燒水至大熱但
小水則忽冷忽熱

可滾滾方將蘭子一大把投入鍋內。用筴輕輕挑撥。則傷絲。

令蘭滾轉盪勻。又以筴左右亂攪數次。挑起自然帶

出絲頭。以手捻住。於湯面上提撥數度。如有破頭壞

蘭不利者。盡行摘去。先提撥起粗頭。混絲不可輕棄。用一木板寬五六寸。以手經在

上面他日織粗細作緯用。提撥纏攪清絲已出。將粗頭摘斷。用漏

瓢舀蘭送入溫水盆內。瓢用瓜篾將底多鑽孔眼。將清絲挂在盆

邊絲老翁上。此時線人將絲老翁上清絲約十數根。

絲之粗細由人細絲不過十一二根粗絲二十餘根。白蘭絲細黃蘭絲粗。操時斟酌上頭不可不知。總

為一處穿過絲車下竹筒中。扯起。從前面搭過鞦韆。

從軸下面掬來。於輓軸上拴一廻。再從拴廻中。掬攪

一廻。不可拴成死廻。須令扯之滑利活動。成絲全在此處。絲係

散忽用絲車拴掬成交。如紡車紡綿上。卽一般。永不散脫。古書所載繰絲之法。多是耳聞。輒信繰法。俱無

緣車豈能成絲。將絲挂在揺絲竿鈎中。又將絲頭拴在絲

軋平枕上。此時攪動軋輪。絲車隨之輓轉。揺絲竿自

然擺動。其絲勻勻縹在軋上。一手攪軋。一手添續絲

頭。其快如風。自然之妙。甚是美觀。軋轉絲上。時時下

繭。提頭繼續不絕。常要照看撥掠絲窠。內有繭絲先

盡。蛹子沉下者。有絲頭斷了。繭浮出絲窠外者。其絲

窠便減少。卽取清絲。約量添加。務要絲窠常勻。

看手

頻撥頻添。添不過三四絲。失添則細了。多添則粗了。如添不及。手攪漫些。如添太過。攪緊些。務要絲條通

勻。練絲貴細。圓勻緊。使無匾漫節核。麓惡不勻。添絲

要訣。務將絲窠分開。以手中食二指。

食指係手二指。

捻取絲

老翁上清絲。三四條。以手在絲窠內。將絲頭向絲眼

上。猛一提。頭隨絲綸自然夾帶上去。絲頭便在裏邊

外。自無接頭疙瘩。此名全織。圓緊通勻。是爲上等。如

將清絲頭。纏在絲窠外邊。帶上去。便有接頭疙瘩。絲

便減價。不可不知。

一軋上絲約有四五兩。便可卸。卸時將單輻扎繩解去。其枕自脫。徐徐取下。挂通風處晾乾。每絲一軋。用紙撚四條。勻布拴之。不使散亂。輕輕擰成把子。包裹收藏。


蘭多者。作雙頭線之更好。一軋可線兩軋之絲。只將軋枕造長一尺四五寸。能擺絲兩行。插絲竿上。並錠二銅鈎。相去三十餘。絲車亦並造二輓軸。相去三十餘。並上兩條頭。一人照看撥掠。線如上法。功必倍之。

綠水綠圖

歌曰

煮繭綠線手弗停
要分粗細用心情
上好細線增重價
粗線賣得價錢輕





綵火綵法

安鍋如上法。亦作卧烟洞。使烟氣遠出。綵人自得安

詳。鍋上橫安綵車一箇。其制亦如上法。鍋右邊安綵

車亦如上法。綵時將水燒令大熱。不可滾滾則將兩

錢入鍋內。以筍撥攪。提起綵頭。用手捻住。穿過錢眼。

綵火綵頭不用在竹筒中穿過。只將綵車下扯起。搭

梳前面平安一錢。令穩將綵頭從錢眼穿過。扯起。搭

在輓軸上。又從下面掬過。拴在輓軸之上一迴。又於


拴處。再掬攸一迴。不可死拴。以致不能滑利輓轉。法

與綵水將綵拴在插綵銅鈎上。再將綵頭拴在橫梳

綵無異

上。一手攪動。絲車隨軋而轉。其絲自然上軋。其快如風搭頭時。頻以筭攪撥。將絲窠分開。以筭夾亂絲。從中向錢眼猛提。其頭自爲窠絲帶上。自無疙瘩。若從絲窠外邊經連而帶上。其絲便粗惡不勻。欲作粗絲者。多下繭。鍋宜熱些。欲作細絲者。少下繭。鍋宜溫些。時看絲窠。頻以筭撥上頭。斟酌下繭。定住火候。勿使忽粗忽細。以致絲不堪用。新繭生絲爲上。如蒸過日久。恐絲頭乾燥不利。者不論火絲。冷盆絲。俱於初下繭時入鹽一兩。油半兩。於鍋內須先以筭條一撮打半响。令水與油鹽爲一。然後下繭。如繭多者。斟酌油鹽旋入。

絲火絲圖



謝蠶神說

絲已登軫。蠶事畢矣。古有謝神之禮。示不忘本也。如絲多者。當用三牲酒醴。絲少者。或止割鷄焚香。奠醴可也。先設先蠶位。陳獻新絲於神前。敬設牲醴香燭。率閭家長幼。跪讀報祝之文曰。龍精一氣。功被多方。聖母作則。降福無疆。錫我繭絲。製此衣裳。室家之慶。閭里之光。敬帥長幼。虔誠升香。設殽於俎。奠醴於觴。工祝致告。神德彌彰。讀畢。斟酒。閭家下拜。此謝神之禮。古今皆然。

圖

歌曰

新絲指日可
求人造化功同
宇宙春厚德深
仁何所報羅列
福物謝賢神



解桑多蠶廣做法

或畏其桑多蠶廣功大難成。一家人力有限。婦工無幾。何能任此勞苦而獲斯大利。是不知江浙有歲可收絲數百觔者。豈可盡靠女工。蠶雖婦事。而實得力於男子。南方至蠶忙之月。官長停其徵訟。里民停其婚喪。親友息其往來。專心事蠶。里有蠶市。春日賣筐箔簾薦。一切蠶事器具。賣桑樹。賣蠶連。賣蟻。賣桑葉。賣繭。賣絲。無不畢具。來傭功者。成都市。卽日用百餘人。登時俱有。更有包箔者。每箔蠶自蟻至老。傭

價不過錢餘。量力包飼數箔。各自經理。主人只是熟記養蠶之法。坐而提調。至於蠶多之家。傭功者甚衆。卽飲食亦是僱覓人做。女工豈能任此。南方蠶月。正是種稻插秧之時。內外並忙。猶不肯失此美利。況我秦中。三月正是農閒之月。卽僱覓人工。一月不過費錢三四百文。人若將此養蠶之法。熟記胸中。多僱人功。不過用心提調。教他採桑布葉。除沙擡網。擇爐用火。安箔盤簇。使一人各執一事。有何不能。卽養至數百箔。亦爲極易。卽如我處農忙之月。亦有遠方之人。

皆來傭工。包穫麥。包鋤地。至於農家什物器具。自有
貨賣者。誰使然與。良由此感彼應。自然之理也。若桑
多蠶廣之時。傭工什物。綵絲之人。無不畢至。勿嫌其
室窄不爲。而失此大利。卽於小室中作層架。少養。將
所獲之利。積二三年。便可如法造蠶室。火倉。一切什
物。可爲世守之業。一勞永逸。享利如江浙矣。有桑而
能養蠶固好。若不能養蠶。桑亦可賣錢。養蠶而能織
絹緞綾紬。其利更倍。卽不能織。賣絲亦得重價。余家
嘗將所繰之絲。以二絲相合。上紡車。成線織成堅重

線紬。余現衣之數年。猶然完好。貨之價同線價。若果
桑蠶大盛。絲廣之時。便有江廣巧匠。來開織房。不待
招而自至矣。南方二忙。故人得豐衣足食。所以富稱
東南。秦只一農忙。僅可自給。若再得一蠶忙。復增利
一倍。便可富甲天下矣。當共勉之。